

ՄԵՐ ՀԱՅՐԵՐՈՒՆ ԽՐԱՏՆԵՐԸ

ԽՈՍՏՈՎԱՆՈՒԹԵԱՆ ՄԱՍԻՆ
Խոստովանութիւնը Աստուծոյ կողմէ մեզի տրուած մեծ բարիք եւ պարգեւ, նաեւ հոգիի կենդանութիւն եւ բժշկութիւն է: Շատեր սգիտութեան հետեւանքով յիմարաբար կորսուած են մեղքերու մէջ եւ զրկած են իրենց անձերը խոստովանութեան շնորհքէն: Բազմաթիւ են անոնք որոնք առանց խոստովանութեան ու հաղորդութեան կը մնան: Ոմանք, որովհետեւ չեն գիտեր խոստովանութեան շնորհքն ու բարիքը, ուրիշներ՝ ամհնայուն եւ վախնայուն համար չեն խոստովանիր, իսկ ուրիշներ, որովհետեւ ընկղմած ու կորսուած են մեղքերու մէջ՝ չեն ուզեր ազատիլ սատանայի ծառայութենէն:

Արդ, մի՛ անգիտանաք: Խոստովանութիւնը բժշկութիւն է հոգիներու համար, փախուստ է դժոխքէն, ազատութիւն է սատանայէն եւ յարուստիւն է մահէն: Հետեւաբար, կը պատուիրենք, որ ամէն Կիրակի եկեղեցւոյ դուռը երթաք եւ խոստովանիք: Քահանային ներկայութեան ձեր ունեցած փոքր վախով ու ամօթով կը փրկուիք այն մեծ ամօթէն, որ տիեզերական ասեղ հրապարակին վրայ տեղի պիտի ունենայ: Այն մեծ Կիրակին որ անփոխարինելի է, երբ մարդոց բոլոր ծածուկ ու գաղտնի գործերը պիտի յայտնուին:

ՀՈԳԵՒՈՐ ԽՈՐՀՐԴԱՏՈՒ

Պատրաստ բաներ կան բայց պատրաստակամութիւն չկայ
Շատերուն մօտ շատ պատրաստ բաներ կան, ինչպէս օրինակ՝ պարգեւներ, ձիւղեր, կարողութիւններ, շնորհքներ, բայց այս բոլորը ուրիշին օգուտին համար գործածելու պատրաստակամութիւն չկայ: Շատերուն մօտ դրամը չի պակսիր, բայց գանիկա Աստուծոյ փառքին եւ մարդուն բարիքին համար օգտագործելու պատրաստակամութիւնը կը պակսի: Ան որ կը կարծէ, թէ պատրաստ բաներ չունի եւ թէ ամէն բանէ գուրկ է՝ չարաչար կը սխալի: Ժպի՞տ մըն ալ չունիս չորս կողմդ տարածելիք: Անոյ խօսք մըն ալ չունիս գտնելիք: Աստուծոյ համար կարելորդ պատրաստակամ եւ յօժարակամ ըլլալդ է եւ ո՛չ թէ ունեցած «պատրաստ բաներդ»: Եթէ պատրաստ ու յօժար ես դուն քեզ դնելու Աստուծոյ տրամադրութեան ներքեւ, ա՛յն ատեն միայն պիտի տեսնես, թէ ինչե՛ր ունէիր որ ուշադրութեանդ վրիպած էին:

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- [facebook-ի էջ jerak ճրագ թերթ](#)



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ

ՔՈՒ ԽՍՍԵՂ ԽՄ ՈՏԹԵՐՈՒՄ ԾՐԱԳ Է ՈՒ ԽՄ ԾԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 30 ԴԵԿՏԵՄԲԵՐ 2018 ԹԻԻ 52

ԿԻՐԱԿԻ ՕՐԵՐՈՒ ԱՍՏՈՒՄԾԱՆՉԱԿԱՆ ԸՆԹԵՐՑՈՒՄԵՐ
Ես.51.15-52: Երբ. 13.18-25:
ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍՈՒ 22.24-30

Աշակերտներուն մէջ վեճ ծագեցաւ, թէ իրենցմէ ո՛վ պիտի նկատուի մեծը: Յիսուս անոնց ըսաւ. «Ազգերու թագաւորները կը տիրեն իրենց ժողովուրդներուն վրայ եւ իշխողները բարերար կը կոչուին իրենց հպատակներուն կողմէ: Բայց ձեր պարագային այդպէս պետք չէ ըլլայ: Ընդհակառակը, ձեր մէջէն ամենէն մեծը թող ամենէն պզտիկին պէս ըլլայ, եւ առաջնորդը՝ սպասաւորին պէս: Ո՞վ է մեծը: Սեղան բազմո՞ղը, թէ սպասաւորը: Անշուշտ որ սեղան բազմողը: Բայց ես ձեր մէջ սպասաւորի պէս եմ: Դուք միշտ քովս մնացիք փորձութիւններու ընթացքին, եւ ես ահա կը խոստանամ թագաւորութիւն տալ ձեզ, ինչպէս հայրս ինձի տալ խոստացաւ: Իմ թագաւորութեանս մէջ իմ սեղանէս պիտի ուտէք ու խմէք եւ պիտի բազմիք գահերու վրայ՝ դատելու համար Իսրայէլի տասներկու ցեղերը:

ՍՈՒՐԲ ԳԻՐԲԸ ԿԸ ՓՈՒԷՆ ՄԵՐ ԿԵԱՆԲԸ

Կը պատմուի, թէ հիւսիսային Ափրիկէի մէջ մարդակեր մը դարձեալ կու գայ եւ ինժզինժ կը նուիրէ աղօթքի եւ Սուրբ Գիրքի ընթերցանութեան: Օր մը հանրային պարտեզի մը մէջ նստած երբ Սուրբ Գիրք կը կարդար, ամերիկացի մը կը տեսնէ զինք եւ ծաղրելով կ'ըսէ. «Դու՛ն, ո՛վ ափրիկեցի, դո՛ւն ալ սկսար Սուրբ Գիրք կարդալ»: Նորադարձ ափրիկեցին կը պատասխանէ ըսելով. «Եթէ Սուրբ Գիրք չկարդայի, դուն հիմա իմ նաշս եղած պիտի ըլլայիր»: Այս պատմութիւնը մեզի կը սորվեցնէ, թէ ինչպէս Սուրբ Գիրքը կրնայ փոխել մարդուն կեանքն ու նկարագիրը: Անիկա մարդակեր մարդը կը վերածէ մարդասէր մարդու:

**ՊՕՂՈՍ ԱՌԱՔԵԱԼԻ ՆԱՄԱԿԸ
ԵՐԱՅԵՑԻՆԵՐՈՒՆ
13.18-25**

Աղօթեցէք մեզի համար, որովհետեւ համոզուած եմք, թէ մեր խիղճը մաքուր է, եւ կ'ուզեմք ամէն բանի մէջ ուղիղը գործել: Մանաւանդ կ'աղաչեմ, որ աղօթէք ինձի համար, որ պէսզի կարենամ աւելի շուտ ձեզի վերադառնալ:

Թող խաղաղութեան Աստուածը ձեզի կարողութիւն տայ ամէն տեսակի բարեգործութեամբ իր կամքը կատարելու, որովհետեւ ինքն էր որ մեռելներէն յարուցանեց մեր Տէր Յիսուս Քրիստոսը, ան՝ որ իր արիւնով կնիւնուած յաւիտեանական ուխտով Հովուապետ եղաւ ամբողջ հօտին: Թող ինչ որ հասնելի է Աստուծոյ՝ ներգործէ մեր մէջ Յիսուս Քրիստոսի միջոցաւ, որուն փա՛ռք յաւիտեանս: Ամէն:

Եղբայրներ, կ'աղաչեմ, որ լսէք այս կարճ նամակով տուած յորդորներս: Կ'ուզեմ, որ գիտնաք թէ մեր եղբայրը՝ Տիմոթէոս բանտէն արձակուած է հիմա: Եթէ շուտով մօտս գայ, միասին կու գանք ձեզ տեսնելու:

Ողջոյններս հաղորդեցէ՛ք ձեր բոլոր առաջնորդներուն եւ բոլոր հաւատացեալներուն: Իտալիոյ եղբայրները կ'ողջունեն ձեզ:

Աստուծոյ շնորհքը բոլորիդ հետ ըլլայ: Ամէն:

**ՄԻԱՍՆԱԲԱՐ ԱՐՈԹԵՆՔ
ՆԱՐԵԿ ԱՐՈԹԱՍԱՏԵԱՆԵՆ**

Ա.– Սրտիս հեծեծալից հառաչանքներուն ողբաձայն աղաղակը քեզի կը վերընծայեմ, ո՛վ գաղտնիքները տեսնող Տէր, եւ այրուող հոգիս թախծութեան կրակին վրայ դնելով սասանած մտքիս ցնցերոց իզներուն պտուղը, կամփիս բուրվառովը Քեզի կը ձօնեմ գայն: Գթա՛՛ծ, հիմ օրէնքի ողջակէզին թանձրածուխ գոհէն աւելի, իմ այս պատարագի՛ս նայէ, եւ հոտոտէ գայն: Հանութեամբ եւ ոչ թէ բարկութեամբ ընդունէ այս սակաւամասն խօսքերուն հիւսուածքը: Բանական գոհ մըն եմ եւ. հոգիս խորհրդակիր սենեակին զգայութեանց խորքէն ելած կամաւոր նուէրը թող շուտով հասնի քեզի, մեքերուս պարտութեան նարպիս միջոցաւ ողջակիզուելով: Անձիս համար այսպէս աղերսանով քեզի հետ դատի մտնելս թող տաղտկալի չթուի Քեզի, Հօր, ինչպէս ամբարշտած Իսրայէլին ձեռքերուն բարձրանալը, որուն կ'ակնարկէ Եսայի, կամ ինչպէս Բաբելոնի անիրաւութիւնը, գոր կը հասկցնէ եօթանասուն եւ երկրորդ Սաղմոսին, այլ թող անիկա Քեզի ընդունելի ըլլայ ինչպէս այն անուշ խուկնը, որ բուրեց Սելովի խորանին մէջ, որուն նման մը նորակերտեց Դաւիթ, անոր մէջ հանգչեցնելու համար գերութենէն դարձած տապանակը, որ պատկերն է կորսուած եւ վերագտնուած հոգիիս:

ՍՈՒՐԲԵՐ ԵՒ ՏՕՆԵՐ

**ՍՐԲՈՑ ՈՐԴԻՈՅՆ ՈՐՈՏՄԱՆ՝
ՅԱԿՈՒԲԱՅ ԱՌԱՔԵԼՈՅՆ ԵՒ
ՅՈՎՀԱՆՆՈՒ ԱՒԵՏԱՐԱՆՉԻՆ
Յակոբոս Առաքեալ**

Ձեքեղիտսի եւ Սողոմէի որդին՝ Յակոբոս, իր եղբօրը Յովհաննէսի եւ Պետրոսի հետ կը կազմէին այն սեղմ շրջանակը, որու աւելիով կը վստահէր Քրիստոս:

Յակոբոս եւ Յովհաննէս իրենց ըմբոստ նկարագիրին համար Քրիստոսի կողմէ կոչուեցան «Որդիք Որոտման»:

Յակոբոս առաքելի նահատակութեան կ'անդրադառնայ միայն Գործք Առաքելոց գիրքը, երբ կը պատմէ թէ Հերովդէս ձերբակալելով կը գլխատէ զայն՝ շուրջ 99 թուականին Երուսաղէմի մէջ:

Յակոբոս կը հանդիսանայ առաջին նահատակը առաքելներու խումբին: Աւանդութիւնը կ'ըսէ, թէ իր մարմինը կը նետուի Եաֆայի ծովը եւ ալիքները զայն կը հանեն Սպանիոյ ծովեզերքը, ուր մեծ ժողովրդականութիւն կ'ունենայ: Իսկ անոր գլուխը կը տարուի Յակոբոս Տեառնեղբայր առաքելին, որ կը թաղէ զայն իր պարտէզին մէջ, որու վրայ ապագային կը կառուցուի Երուսաղէմի հայոց Ս. Յակոբեանց հիանալի եկեղեցին:

Յովհաննէս Առաքեալ

Առաքելներու դասին մէջ ամենէն կրտսեր եւ ամենէն երկար ապրող առաքելն է Յովհաննէս, որ նաեւ ճանչցուած է «Սիրելի Աշակերտ» անունով:

Յովհաննէս եւ իր եղբայրը՝ Յակոբոս, Քրիստոսի կողմէ կը կանչուին երբ ձկնորսութեամբ կը զբաղէին: Ան Քրիստոսի եռամեայ առաքելութեան ընթացքին ամենասիրելի անձը կ'ըլլայ Տիրոջ, եւ նոյնիսկ երբ մատնութեան ժամանակ միւս աշակերտները վախնալով կը լքեն զՔրիստոս եւ կը փախչին, Յովհաննէս կը հետեւի Անոր հասնելով մինչեւ Գողգոթա, ուր իր սիրոյն առ ի գնահատանք, Յիսուս Մարիամ Աստուածածին կոյսը կը յանձնէ Յովհաննէսի խնամքին եւ այդպիսով կ'աւանդէ իր հոգին:

Յովհաննէս առաքելը նաեւ ծանօթ է իր անուներ կրող սքանչելի աւետարանով՝ «Աւետարան Ըստ Յովհաննու»: Ան իր առաքելութիւնը կը շարունակէ Եփեսոսի մէջ եւ ապա աքսորեալ կը տարուի Պաթմոս կղզի, ուր կ'ունենայ իր յայտնութիւնները, որոնք ամփոփուած են «Յայտնութիւն Յովհաննու» գիրքին մէջ: Ունի նաեւ երկու ընդհանրական նամակներ, ուր կը խօսի կեղծ վարդապետութիւններէն զգուշանալու մասին եւ կը թելադրէ կեանքը ապրիլ ճշմարտութեամբ ու սիրով:

Յովհաննէս առաքելը բնական մահով կը մեռնի 95 տարեկանին, շուրջ 100 թուականին Քրիստոսի:

ԱՌԱՎՆԵՐ
Գլուխ Բ. 1-2

Որդեակ, եթէ իմ պատուիրաններս հոգւոյդ մէջ պահես եւ գործադրես գանձ, ունկնդիր պիտի դառնաս իմաստութեան, սիրտդ գիտութեամբ պիտի հարստացնես եւ զանոնք որպէս իրատ՝ աւանդես զաւկիդ: